

تاریخ عثمانی انجمنی

مجموعہ سی

ایک آیدہ بر نشر اولنور. تاریخ عثمانیہ عائد مقالاتہ صحیفہ لرمر آجقدر. درج
ایدلیان مقالات صاحبہ اعادہ اولنہ بیلور .

اوزتیور اوغلی عثمان پاشا (مابعد)	عبدالرحمن شرف
وفیات : صفوت بك مرحوم	نجیب عاصم
شرق لوندلری ، صوماطرہ سفری اوزرینہ وثیقہ لر	صفوت بك مرحوم
احمد ثالث دورینہ دائرہ مادام موئتہ كونك مکتوبلری (مابعد)	احمد رفیق
مورہ لی السید علی افندیك سفارتنامہ سی (مابعد و ختام) ..	***

فیثانی ہ غروش

مرجعہ — باب عالی تاریخ عثمانی انجمنی
ابونہ قیدی ایچون انجمنہ مراجعت اولنور

استانبول

مطبعہ حیات عثمانیہ

طبعہ حیات عثمانیہ

۱۳۳۲

وفیات

صفوت بك

انجمنزك اعضای دائمه سندن صفوت بك ۱۳۳۲ سنه سی محرمك اون
سكزنهجي پنجشنبه كونی ساعت الاتورقه سكز راده لرنده وفات ایتشدر .



بر بیل سورن وطن جدانی متعاقب عودتمده تاریخ عثمانی انجمنندن
ایکی رکنک یعنی زهدی بك ایله بوملتك خواجه اولی و یا بتون وطنك
ابتدایه معلمی اولان احمد مدحت افدینك ضیاعی ایله متالم اولدم .

احمد مدحتك یرینی خلیل ادهم بك اقدی اشغال ایتش ، بر یار قدیمك
مقامنی بر صدیق شفیق اشغال ایلش ایدی . زهدی بكك صندالیه سی ایسه
بوش ایدی . بورایه انتخاب اولنان صفوت بك مکر اسیر فراش ایتش .
مکر او قائلی جانی صفوت هنوز دواسی بوله میان بردرده دوچار اولش
ایتش ! همان ایرته سی کونی عبادتنه کیتمه قرار ویردك . اقشام آلدیغ بر
تلفرافنامه صاعقه بلاکی بتون موجودیتی صارصدی ؛ چونکه ایرته سی
کونی عبادته دكل جنازه به کیشك ایجاب ایدیوردی !

ایرتسی کونی . نم ایچون دكل بتون صفوتی طانیانلر ایچون بر ماتم
کونی ایدی . صفوت رفیقلم ایچنده اك صوك طانیشدیغ بر ذات ایدی .
تاریخ عثمانی انجمنی ، تورك یوردی ، تورك اوجاغی ، تورك درنکی نامنه
جنازه سه کلن یارانك ده . نم کی یکی طانیدینی بر آرقداشی ایدی . شوتعارف
هپ مشروطیتدن صوکره باشلامش ایدی . بویه اولقله برابر هر کك
وجداننده صفوت ایچون درین بر حرمت ، صیمی بر محبت حاصل
اولشدی . چونکه صالح صفوت اسمی تام مسانه مطابق دوشمشدی ؛
صفوت ، هر معناسیله صفوت وجدان صاحبی ایدی .

صفوت اساساً آبانه دن استانبوله کلن بر تورك عائله سندنذر . کنیدی
تورکره مخصوص بتون شمائلی ، بتون نجیبانه اوصافی حائز ایدی . سالک
اولدینی بحریه مسلکده ارکان حربیه به آیرلق ، خواجه لفه تفریق
ایدلك درجه سنده اهلیت کوسترمش ایدی . ایشته بوسیلله طریقه
تفیض ایدرك قائممقاملغه قدر ترقی ایتشدی .

فقط صفوتك اصل استعدادی تدقیقات تاریخی ده و تورکیلکده ایدی .
تاریخ عثمانی انجمنك تشکله فخری اعضالنه انتخاب ایدلش ایدی .
فقط انجمنك هراجماعده اثبات وجود ایتدیکی کی سار کونلرده انجمن
کتبخانه سنده ، دیوان قلمنده ، کتبخانه لرده وثیقه لر آرامقدن ، بولدق لرینی
قید ایتمکدن خالی قالماددی . کنديسك آرادینی وثیقه لر بحریه مزه عائد

اېدی ؛ فقط تحریاتی اشناسنده سائر د فیکلرمزك ایشلرینه یارایه جقلریخده استنساخ ایله اهدا لطفبنده بولنور ایدی . انجمن مجموعه سنك همان هر نسخه سته بر مقاله یازار ایدی . دیگر طرفدن تورك یوردینه ، تورك درنکنه ، دونانمای عثمانی معاونت ملیه جمعیتی مجموعه سته ، جریده بحریه یه ده مقاله لر یتشدیرردی .

بز بر رفیق غائب ایتدك ، بحریه منزیرینه قونلاز برسیدی رئیس ضایع ایتدی ، وطن ده حقیقتی بر اولاددن اولدی . همان جناب حق کدرلی عالمه سته صبرلر ویرسون .

متوفای مومی الیهك رسمی ترجمه حالی بروجہ آتیدر :

صفوت بك بحریه چرخجی قول آغالندن متقاعد رفعت بكك مخدومیدر رومی ۱۲۸۵ سنه سنده قلعه سلطانیه ده تولد ایتشد . قاسم باشاده کاشن بحریه رشده سنده مرتب درسری بالتحصیل ۲۹۷ سنه رومینده اون ایکی یاشنده اولدینی حالده مکتب بحریه شاهانه یه دخول و ۲۴ حزیران سنه ۳۰۳ تاریخنده ارکان حرب ملازم ثانیلکی رتبه سیله نشئت ایتش وبعده مکتب سفینه سنده ایکی سنه قدر بولورق مهندسلك مدتت بالاکال ۷ حزیران سنه ۳۰۵ تاریخنده ملازم اوللکه ترفیع ایلشد . ۱۸ تشرین ثانی سنه ۳۰۵ تاریخنده با اراده سنیه نوید فتوح و ۱۷ حزیران سنه ۳۰۶ تاریخنده تیر کوکرته ارکان حرب محللرینه تعیین و ۵ نیسان سنه ۳۰۹ تاریخنده ترفیعاً عهده سته یوزباشلیق و ۲۸ مایس سنه ۳۱۳ تاریخنده ده سول قول آغالق و ۱۷ تشرین اول سنه ۳۱۵ تاریخنده ده بیكباشلیق رتبه لری توجیه اولنش و ۲۹ تموز سنه ۳۱۶ تاریخنده یاوران حضرت شهر یاری سلکته ادخال و ۱۰ نیسان سنه ۳۱۸ تاریخنده هیبتنا قروت هاپونه ۲۳ کانون ثانی سنه ۳۱۸ تاریخنده تیر کوکرته یه ۱۹ ایلول سنه ۳۱۹ تاریخنده منفیاً زرهل عزیزیه فرقتین هاپونه تعیین و ۱ مایس سنه ۳۲۰ تاریخنده قائم مقاملغه ترفیع و ۴ نیسان سنه ۳۲۳ تاریخنده تکرار تیر کوکرته یه و ۲۹ تشرین اول سنه ۳۲۳ تاریخنده اداره مخصوصه کور مأمورلغه وبعده اداره مرقومه سپر سفائن انپکتورلغه تعیین و ۱۴ آغستوس سنه ۳۲۳ تاریخنده عهده سته میرآلایق رتبه سی بالتوجیه ۲۸ آغستوس سنه ۳۲۴ تاریخنده ارکان حربیه بحریه دائره سی قسم ثانی مدیرینه و ۳۰ تشرین اول سنه ۳۲۴ تاریخنده شورای

بحریه اعضاالنه و ۱۵ کانول اول سنه ۳۲۴ تاریخنده مرکز سفینه‌سنه و ۲۶
تسریز اول سنه ۳۲۵ تاریخنده ترسانه مأموریتی آلتجی شعبه‌سی تعلیم و تدریس
ونظامات سائرہ قسی مدیریتنه و ۲۵ تموز سنه ۳۲۵ تاریخنده رتبہ‌سی
بر موجب تصفیہ فرقتین قبودانلتنہ تنزیل و اخیراً تاریخ عثمانی انجمنی اعضاالنه
تعیین ایدلشد .

متوفی ۳۰۶ سنه‌سی شباطنده خدمت دولت علیہہ داخل اولان (قالاوقوم
و ہوفہ) بک و پاشانک معاونلکلرندہ و اون سنہ قدرده مکتب بحریہ شانہ ہ
« فن حرب و بالیتیق » مملککنده بولنشد . انگلیزجہ بی لسان مادرزادی کبی
تکلم ایدر ایدی .

مؤلفاتی : انکلتزہ سفارتی لیان مأموری متر طومبون ایلہ برلکده
(اصطلاحات بحریہ) نامیلہ برلفت کتابی ، ۱۸۹۵ آلمان بحریہ مأمورہ لری حقندہ
بر رسالہ تألیف ایدلشد .

اخیراً دخی دیوان‌هایون و بحریہ نظارتی دفاتر و قیودات عتیقہ‌سندن مشاہیر
بحریونمزدن « مزہ مورطہ حین پاشا » یہ عائد و تاریخ بحریہ دائر بر خیل
و ثائق طولیایہ رق اولایا جریده بحریہ دہ نشر و بعدہ « مزہ مورطہ حین پاشا »
و « فیلاسا » نامیلہ رسالہ شکلندہ طبع ایدر مشدر .

بروجہ زیر درج اولسان مقالہ متوفای مومی الیہک آثار متروکہ
قلمبہ‌سندندر . اشبو مقالہ نک تحریرینہ بوندن ایکی اوج سنہ اول باشلامش
ایسده اتمامنہ موفق اولہ ماش ایدی .

نجیب عاصم